

Arkiv: <arkivID><jplD> FE-223, FA-U01
JournalpostID:
Sakshandsamar:
Dato: 22.11.2022

Saksframlegg

Saksnr.	Utval	Møtedato
064/22	Utval for næringsutvikling og drift	07.12.2022

Søknad til Næringsfondet - Kystgarden AS - Familieøya

Kommunedirektøren sitt framlegg til vedtak:

Prosjektet Familieøya blir tildelt kr 90 000 frå næringsfondet i Alver kommune.

Utval for næringsutvikling og drift 07.12.2022:

Handsaming:

Stian Lavik-KRF og Yngve Walaker-FRP var inhabile i saka - sjå merknad i protokollen.

Olav J. Myhr-KRF erstatta Lavik i utvalet.

Utvalet vedtok samrøystes kommunedirektøren sitt framlegg.

ND- 064/22 Vedtak:

Prosjektet Familieøya blir tildelt kr 90 000 frå næringsfondet i Alver kommune.

Politisk handsaming

Saka skal avgjerast i utval for næringsutvikling og drift.

Bakgrunn:

Kystgarden AS er eit aksjeselskap. Bransje: 88.999 Andre sosialtenester utan butilbod. Registrert 17.02.2015. Kjelde: Proff.no.

Saksopplysningar:

Kystgarden AS er lokalisert på øya Øpso og driv med gardsturisme og aktivitetar for personar med ulike helseutfordringar i Alver kommune. Monica og Vigleik M. Ypsøy har drive Ypsøy Kystgard sidan 2002 og Kystgarden AS sidan 2015. Kystgarden AS har 5 tilsette og driv med ulike tenester for Alver kommune og Statsforvalteren. Kystgarden AS leiger lokalitetar og materiell hjå Ypsøy Kystgard.

Ypsøy Kystgard er ein økologisk drive gard med villsau, fiske, frukt og bær. Verksemda fekk Kulturrosa av Meland kommune i 2006 for god forvaltning av kulturlandskapet. Kystgarden er eit innarbeid konsept, varemerke og goodwill med stort nettverk.

Om prosjektet:

Inneverende år har verksemdame merka auka interesse for opplevingar, aktivitetar og overnatting på Kystgarden. Samstundes er elevtalet gått drastisk ned og ein har difor auka kapasitet. No ønskjer verksemda å tilby opplevingar og overnatting til familiar og personar med helseutfordringar. Familieøya er ein forretningside som har utvikla seg i samband med eksisterande næring som spesialundervisning på alternativ opplæringsarena for elevar i grunnskulen, avlastningstenester med overnatting og aktivitetar for barn og familiar med særskilte behov og gjennom oppdrag for Statsforvalteren, vergemålsseksjon.

Kystgarden har tilgjengeleg areal, ubrukt materiell, trevirke og skog, i tillegg til maskiner og verktøy. Verksemda

har og kompetanse og tilgjengeleg arbeidskraft til å bruke som eigeninnsats i prosjektet.

I prosjektperioden skal ein gjennomføre ulike aktivitetar: Utvikle ny heimeside og arbeide med tilrettelegging av Austre vika, arbeide med marknadsføring og profilering, kjøpe inn aktivitetsmateriell, klargjere tilbod og teste produkt på målgruppa, gjennomføre ei eventuell justering av produkt og tilbod. Ein vil oppsummere prosjektet med ei vurdering av produkt og resultat, gjennomføre rapportering, og til slutt avslutte prosjektet.

Prosjektleveranse/Målsetting

Prosjektet Familieøya vil medføre styrking og utviding av drifta ved å tilføra nye produkt og inntekter. Gjennom prosjektet vil ein tilpasse drifta til neste generasjon sin kompetanse og interesser for å sikre vidare drift og forvaltning av kulturlandskapet. Prosjektet vil skape 2 nye fulltids arbeidsplassar.

Prosjektøkonomi:

Prosjektnavn	Prosjektkostnad	Søknadssum	Framlegg
Familieøya	180 000	90 000	50 000

Vurderingsgrunnlag

Vurderinga tar utgangspunkt i Fondsvedtektene for Næringsfondet og vert vurdert ut frå føremål og målsetting. Det vert gjort ei heilskapleg vurdering ut frå prosjektet sitt bidrag til entreprenørskap, berekraftig utvikling og auka sysselsetting i kommunen.

Vurdering:

Alver kommune ser positivt på prosjektet Kystgarden gjennomfører for å skape vidare vekst i verksemda. Etter ei samla vurdering ligg prosjektsøknaden innanfor næringsfondet sine vilkår ved at det viser til tiltak som stimulerer til ei berekraftig næringsutvikling, vekst i eksisterande verksemder og arbeidsplassutvikling.

Vedlegg:

Vedlegg i saken:

31.10.2022	Soknad-2022-0052	1826420
31.10.2022	Vedlegg til søknad om stoenad fraa næringsfondet	1826421